




Voestes viehkie sårkosne

Mij Voestes viehkie sårkosne?


Lyövlehke oktegh årrodh sårkosne. Dan åvteste gærhkoen åssjaldahkh jìh tjìelke raerìeh tjöönghkeme mah maehìeh mijjem viehkiehtìdh stìeresne årrodh mubpiealmetjidie sårkosne. Sårkoe bæktjede, seamma tìjjen mahta sårkoem vielie gaarsjelìdh gosse åådtje dam juekedh. Gærhkoen lea guhkies dååjrehtimie sorkìjdh dåastoehìdh jìh dåarjoehìdh. Daah raerìeh earnadìeh viehkìne årrodh don voestes baelien gosse naakenh leah aktem dasseme maam gaarhta.

Gaajhkh sårkoeh leah sjìere. Ij naan bìhkedassh gååvnesh mah iktesth leah reaktoe, ij leah naan vihties saetniesvoeth. Dagke daate aaj akte dejstìe fãantojste man åvteste dan jeenjesh juerìedisnie sjìdìeh gosse edtjìeh mubpieh gaavnedìdh sårkosne. Daej raerìejgumie Nöörjen gærhkoen gegkeste viehkìne årrodh guktìe jìenebh ånnetji jearsoesåbpoe jìh buerebe ryöjredamme domtoeh, olles naakene mijjen bìjre tjoerh oktegh årrodh sov sårkosne.



Gaskesadth

Ibie tjoerh dïedtem biejedh sorkìjasse gaskesadtedh. Aellìeh jiehtìeh "ringkh munnjien jis mij akt, manne daesnie dov gaavhtan". Dellìe stoerre hille sorkìje ij ååjsoeh gaskesadtedh. Jiehtìeh buerebh "manne dutnjien ringkem dæjstan, vaeltìeh tellefovnem jis sjìhth." Jis sorkìje ij vaestedh, mahtah ikth vielie ringkedh. Jìh vihth ringkedh, gellien aejkien.



Tsööpkh sjeavodsvoetem

Jeenjesh tuhtjìeh geerve gaskesem sorkìjìnie vaeltedh. Maam edtjìh jiehtedh? Enn jis eevre sjeavohth sjædta gosse ringkh jallh sorkìje aalka tjeaerodh? Ij leah vihkielommes maam jeahtah, men doesth sjeavodsvoetem tsööpkedh. Såemies aejkien teekstebìevnese lea buerebe goh ringkedh, daamtaj aelhkebe bìevnesem åadtjodh jìh dam vaestìedìdh.



Vedtieh sijjem

Mahta jeenjesh årrodh mah seamma almetjen bìjjelen surkìeh seamma tìjjen. Fìereguhte almetje mij aktem lìhkes almetjem dasseme, aktem sjìere ektìedimmiem åtna dìsse mij lea sealadamme. Sårkoe lea joekehts almetjìstìe almetjasse. Tjoerebe baajedh årrodh sårkoem jìjtjereeredh jìjtjìene mojtìesigumie jìh domtesigumie. Tjoerebe mujhtedh sorkìjen domtesh dah mah leah faamosne, saah magkerh domtesh dah leah. Mijjen åssjaldahkh jìh soptsesh leah hævvi aaj vihkeles – men eah vihkielommes.



Vaeltìeh skraejriem

Gihtjìh mejtìe edtjede aktem eevre biejjìeladtje darjomesem darjodh. Mahtah bööredìdh bætedh pñhtjegem jovkedh, filmem vuartasjìdh, jallh dåerìedìdh ånnetji ålkone mìnnedh. Gellìe sorkìjdh lìegkedimmiem mietìe sårkosne jìh ohtje sìejhme aarkebiejjien mietìe haelìedìeh. Mujhtìeh dìhte maam böörh dagke ij sjìhth bætedh jallh dåerìedìdh, jìh dam tjoerh jååhkesjìdh. Vihkielommes datne gihtjìh – jìh doesth ikth vielie gihtjedh.



Vuesehth datne desnie

Jeenjesh mijjeste bìllebe mubpiej jìeleden sìjse tjìhtedìdh, jìh dellìe illedahke mahta sjìdtedh mijjìeh ibie maam gænnah darjoeh. Dagke ussjedìbie sorkìje buerebh sæjhta raeffesne årrodh, jallh vuertebe gaskesem vaeltedh goske "vìerremes lea nåhkeme". Tjoerebe tjìelkelaakan vuesìehtìdh mijjìeh desnie, olles sorkìje ålkolen jallh åajaldamme domth.



Årroeh vissjeles

Vuesehth datne guarkoeh fìerhten sorkìjen lea jìjtse sårkoeprosesse. Aellìeh sårkoem "båarhte soelkehth", jìh aellìeh aajpehtsvoetem vuesehth jis sorkìje ij guhkiebasse bætetìeh. Ij leah sårkoen naan "bööremes åvtelen-daatoe", jìh ij naan iemie jallh ov-ìemie guhkies tìjje sorkedh. Naakenh daarpesjìeh seamma histovrìjen soptsestìdh gellien aejkien, jìh naakenìdie mahta akte vihkeles bìelìe årrodh sårkoem guarkedh jìh gìetedìdh.